

黃鵠山人詩初鈔

黃鵠山人詩初鈔卷三

閩縣 林壽圖 穎叔

古今體詩六十二首

由清湖至衢州

甲辰

曉別江郎石仙風一水還晚看姑蔑郭春月半弓彎
移筌舫懸燈動塔山他鄉有今夕欹枕夢刀環

爛柯山

乘螭夢抵青霞天巖洞翕忽通雲煙丹梯翠壁挂蘿葛萬
古蟠魄虬枝懸神斤鬼斧剜巨障狀如蝮蝮皆連蟪奇峰
南走復北控中開室坂張廣筵烏巒退列若昆季同氣競

爽遙隨肩冕翁鶴童不可以貌敬鍊鉛燒汞疑千年我聞
晉時王質入山日虹橋坐奕如橘仙楸枰布列三百六紅
羊已換哀青蟬還家妻子化邱隴存者骨肉惟孫元至今
猿啼虎嘯墮崖葉樵斧躑躅不敢前又聞靈窟探牙絃
歌聯臂躋華巔花妖木魅走且匿採薪來者驚前緣蕭蕭
落日聞流泉雲容水態聲能傳蓬瀛自昔秘幽境瑤草肯
爲俗人舉琴仙棋聖狡獪爭不測持較曲豆女台勝跡誰
當先我來姑蔑國已仰清湖舡須郎攜送三片玉上有綠
字瓊苔篇王家弟兄倘相識乞假鸞鳳供笞鞭摩挲陸庶
碑尙記元和鐫刀圭未授桐君綠芒躑或許桃椎穿敢煩

灑掃壇上石早晚息擔來高眠

蘭谿舟次

太末東來酒未醒鷗波日暮恣揚舲湖添穀水三篙碧山
得金華半幅青桃葉渡江春浩渺竹枝吹月夜空冥煙花
漫比蘭溪水野宿鴛鴦滿蓼汀

桐廬弔方元英故居

雨過鷓鴣原返照澹煙艣流水何蕭蕭白雲亦太古昔有
咸通人習靜居村塢擔斧狎樵夫網罟話漁父出門設三
拜質野非倨侮科舉偶隨緣世迺以貌取交契李建州遇
蹇劉司戶雄飛變雌伏生賤死何補我賢范文正榛莽闢

堂廡有才令人傷埋骨深黃土憶送鑿師歸頗念酒家酌
晚入鑑湖隱跡與鹿門伍九里花自開雙臺月無主山鬼
憑幽昏含睇攀蘭杜

杭州謁吳姓舫侍郎

帝念孤寒望海天使星接踵出奎躔曾資常袞培闕士又
謁蘇公入浙川吳越霸才從古擅湖山秀氣幾人賢東風
桃李花爭放同列門牆愧少年

經師淹雅古無儔海樹殷勤結網搜先世交情親孔李早
時知遇託韓歐齒牙說士逾廿肉衣益論文未出頭憑慰
金臺高市駿多慙聲價遜驂騑

漁梁遇陳蘅田同載至杭州爲別

無衣無裳莫上漁梁

諺語

漁梁三日落大雪凍我手僵君足

裂知名十載不識面滑遶驛亭始相見百錢藉救身饑寒
村茶恨澀酒恨酸山農驚說冷得緊君輩儒衣那能忍呼
舡載上嚴陵灘同舟貴人冷眼看爲龍爲蛇一上一下不
升於天泥蟠在野昨日北風今日南過眼當作陰晴談未
須惆悵杭州別愼勿相忘漁梁雪

丹陽阻閘與沈桐士先往丹徒黃芝臣李仙舟兩同
年繼至投宿城隍廟神漢紀侯信也宋紹興隆興間

有捍寇功

曉行蕭塘港約載曲阿酒興發褚淵狂起捉孫綽肘大鵬
高壓波連牆進鷁首雁聲戛鳴榔風散水楊柳鳥落吳天
長雲斷秦山久醉登舵樓望遠兒練湖瀏雨霽蘭陵樹煙
拂高驪阜挂席忽稽留函洞阻幽助聞吏前致詞客來數
不偶 國家重輓輸運道設官守啓閉各有期斗門不可
扣阮籍途乃窮楊朱岐可走舍筏覓津梁同躋挈良友日
斜徒兒浦岸收漁父留毘陵古宋方岡隴勢峻陡形勝豈
徒然痛遭赭衣手孫郎眞英雄寄奴亦桓桓請君問高池
王氣能鑿否斜陽潤州郭春社聚童叟魏我漢官儀作鎮
谷陽數昔讀班馬書英姿見抖擻功佐赤帝蛇笑烹韓王

狗慘澹榮陽戰毅血碧未朽何時來江壩靈旗辟虜醜紙
灰鬼蝶飛祭肉神鴉取手撫片石孤氣懾千載後功名起
運會貧賤委塵垢浩蕩萬里心明發向京口

少夢至古寺額曰招隱僧謂余黃鵠山中也昨來
京口悵不得遊

前身戴仲若舊隱黃鵠山黃鵠念別離背我名山還水通
竹林淵煙暝松際關懸崖入孤峭靈跡逃豺獍僧歡故人
至花破春風顏落葉久未埽茶竈猶蕭閒電光送背夢塵
骨辭仙竇猶憶綠蘿月挂戶如玦環喬木皆曼壽怪石殊
奇頑悵孤荃蕙言坐使猿鶴鰓卻憶元嘉中肥遯京口閒

薜荔爲衣柳雲卧輕冕綸黃鵠千載後俯視闔與闔未應
汨本性涉世甘憂患敝廬不我返華髮行就斑遠峯結愁
黛誰與梳螺鬟

蜀岡

盤雲上瞰廣陵城縹緲樓臺照日明斥堠閒時前壘廢海
天盡處此山平賣茶客去鱸煙碧洗鉢僧歸井水清何用
腰纏來跨鶴振衣勢欲御風行

平山堂

導山自岷蜀盤蟠走修蟒掉尾廬滁東渡江勢蒼莽淮揚
扼重鎮俯伏開平曠沿岡恣幽探勝境剔榛莽堂高見三

州雲氣表秋爽煙草繡平蕪浪花送飛槩數峰青有意作
態向吾郇抗軌緬前蹤振襟發遐想天長獨鳥下風肅百
蟲響醉翁邈難追賓從亦何往

翠華昔巡幸雲翰

勒金榜翳維太守賢渥荷

宸遊賞鹽莢近苦疲竹

石尙閒敞感喟別五泉鐘鳴寒潮廣

寶應道中

扁舟石籠又金牛百戰河山賸廢邱只有韓王城下水蕭
蕭猶接古淮流

白馬橋橫白馬渡射陽陂枕射陽湖濃煙碧草自春色還
有垂楊畫舸無

煙痕深淺水橫斜
太守池臺跡已賒
獨過淮南賦招隱
夢開七十五梅花

渡黃河大風雪題旅壁

南風不解反北風
飛廉猛助滕六攻
詭欲拔河伯宅更
飾貝闕新珠宮
隄身缺齧蟒俯仰
鱗甲閃爍加磨礪
凸凹不雪尙坎窞
融以膏液防涇瀧
靈狐縮腳試地罅
神龍呵氣伸天隴
八十裊海此一勺
亦扇大塊簸鴻濛
迺知蒙莊語秋水
雖有牛馬無蹉蹤
茫茫千里幾曲直
倒瀉上與銀潢通
天將浣濯我腸胃
使吐塵滓吞虛空
仰觀沾溼到星斗
渴烏咋西嶮
呿東下方占瑞
破三白信能緩
萬歌屢豐

迴車沈壁君莫怪蚯蚓入竅哦寒蟲

圯橋

秦皇舉動愚何太亡秦書在六經外藏書人豈羣儒輩穀
城山下頑石多黃者靈耶近狡獪禍衣老父名姓埋一編
手授英雄才祖龍烈焰燒不到太公昔曾興周來良也報
韓項報楚楚有江東韓無土萬金結客用狙擊走匿下邳
成伏鼠何如子弟兵八千渡河沈船破甑釜信越功臣盡
烹醢豈割鴻溝不謀羽劉項興亡良所爲兵法託自圯橋
父髯蘇持論取忍辱腐遷按圖詫好女生兒解識婦人心
想見父風工媚嫵赤松子黃石公神仙之說今古同陰謀

秘計事恍惚采芝更數商山翁

由滕縣至鄒縣

嶧山近接泰山肩經界荒蕪過井田似有人家聞魯柝併
將墟里入齊煙騶人敢竝稱三子漢志同存外四篇千載
垂輝賢母傳愴懷幾許少孤年

荏平題壁

西日盡吞月東吐饑馬聲嘶投逆旅塵羹不潤藜莧腸一
斗八升手自煮食雞無分況食肉看龍爲魚虎爲鼠干官
雙闕墮殘夢酒醒城遠瑟瑟鼓論古解笑馬賓王但伍王
魏非傳呂試問風塵插兩腳繪圖買宅誰相許入關過汴

慎勿留浚儀縣官會辱汝

東阿西楚霸王墓

伏弩不死隆準公拔劍可惜目重瞳烏江勸渡計未左頭
顛自擲眞英雄昔讎鴻門唉亞父太息楚人爲漢舞私將
家國賣與人此時漢已能有楚兵疲食匱謀歸休安冀天
下分鴻溝縱虎貽患其擊虎爪牙盡矣嗟誰謀當其彭城
靈壁日搏戰喝水斷流撼山顛沙飛石走忽窈冥三匝奈
何風色變史公著筆成敗閒神威懍懍見拔山韓彭啖利
以師會用眾則奮獨則殫名騅可贈虞可別醜酒沃血血
光熱漢宮歌者泣爲誰宛轉婦人詎英傑惟思衣錦歸江

東不識形勢爭關中子弟八千亦不返讓人擊筑酣沛豐
一生事業誠鹵莽恥以上公禮葬魯君不見東阿道旁窆
石存大鐫霸王表今古被甲執戟魂歸來猶帶生前瞋目
怒

平原與陳秋媵過東方朔故里飲旅店

風吹柳花對酒斟陳侯無機如漢陰年過四十七應舉
盛世士不逃山林公車奏事三千牘我聞昔有東方生遭
逢孝武許術鬻牧豎皆得躋公卿賢如賈董不大用坐遣
霜鬢星星侵商韓說卑無高論焉用樹頰搖脣爭長安車
蓋雲霧蒸亦有落拓妻孥憎得錢與粟復分肉差免枵腹

呼鷓鷹百年饑飽付誰定一醉自可輕千金藏彊射覆隨
所適大笑塊壘消胸襟中天日月再照今仰觀乾象懸奎
參上林侍從盛詞賦律以雅樂知鄭淫君材截管龍門琴
和平正直能寫心徑須續沽注瓦瓶吸盡滄海量其深歲
星在天夜可見豈謂吾輩終陸沈

督亢陂

北鄰蠻貉南齊魯惠愛無地非甘棠名城盡沒一陂在灌
漑猶是召公鄉宣漚導防始自魏至今萬頃宜稻稔時清
戎馬不蹂躪安置酒舍連漁莊煙光山色攬入畫展拓要
極燕雲長窻謀豎子棄先業形勝載往朝咸陽地圖拚與

七首碎恐昔落筆惟蒼涼鄙人登陛易震慴壯士搵袖何
徬徨鴻毛燎鑪取速熱氣數已盡諸姬亡眼前澹蕩幸快
適休歌易水歌滄浪

家范亭農部兄約入詩社

風流文采照當時軍國奇贏更善持略比揚雄官執戟能
招秦系帥偏師竹林七友多同姓蓮社諸賢豈獨詩無事
請爲犀首飲主人休問夜何其

城南卽事

城南花寺寺社後燕家家日載金尊酒風旋油壁車近天
春最富既雨水無涯不分黃昏逼斜陽返暮鴉

三月三日過國香堂飲牡丹花下

昆明湖舫盪清漪輦道尋春到未遲
上巳衣裳多水次洛陽車馬又花時
正聞薌澤狂濡首誰對青山學掃眉
呈與如來參色相淡粧濃抹總宜詩

飲酒樓

波濤掀溺人洶湧宦海最煙霧日萬頃
勢以都城大玉河水楊柳招展黃金帶
中著未敗荷葉葉擎秋蓋祖逃鞭嘗
先晏嬰御亦怵看天煮火雲炎焰何時
退客偶乘枯槎跨至斗牛背常恐此濫
觴濁浪濶世界酒腸蕩滌之風來大塊
噫未知稅駕處去泛子陵瀨

出都

海上曾來逐臭夫，金門待詔豈其徒。
公孫相漢談經貴，季子干秦挾術粗。
萬里去家如鴈燕，扁舟入夢有菰蘆。
如何催得歸心緊，晨夜關河叫鷓鴣。

良鄉道中

春風薊門日，爭獻洛陽才。
綠退瀛洲草，黃催瘴海梅。
觚稜懸北望，鈴語競南來。
莫詫金垂盡，曾登郭隗臺。

望大防山

中條尻益高，居庸傳以翼。
西通紫荊險，東向漁陽勒。
奧室豁然開，肆有幽燕力。
懸崖稍北阡，石竇翕落日。
陽和自古

闕陰火蒸雲脈仙鼠晝夜掀撲人大於席白龍變魚服豫
且不敢獲旱能雨萬家禱者往投壁玉堂誰手堊更掃雪
色壁桃花遠飛來疑亦避秦植山屬漢蓋亭隋唐著靈迹
目極身未到谿谿略可識

渡白溝河

易水東來濡水注淶水併之勢鬱怒界無南北盡中原割
宋天塹置遼戍闔人謀國持太阿种劉師敗敵渡河建文
扼險恃乳臭白浪苦閱興亡多鐵蹠踏碎瓊瑤色倘值春
流亦弄碧黃鸝聲老坐高柳樹根著船待行客風檣沙鳥
日如飛豈是雄涿分州時范陽戰氣銷沈久廢壘前頭卓

酒旗

琴高池

鼓琴未技耳吏合執笏老羣真朝玉京操愛水仙好游鱗
盡龍種嬉戲苻與藻取我枯桐來拂拭石可坐

房口村賈島故里

天死孟郊再生島瘦與寒同例枯槁風月放閒又千載葉
滿長安無解道文章北斗韓吏部訂布衣交昔傾倒跨驢
張蓋橫截來笑擁前騶尹不惱八百舉子盡凡材擗之畧
等蝨與蚤唐家科第斬風漢頭銜博得短簿好長江萬里
西葬蜀故里牛羊散衰草瀛州祝髮此誅茹性僻早於幽

怪討肩峯尖聳鬪山骨背邱面壑曾削橐斜陽古木叫鶴
鷗門巷久付秋風掃進士閱人蓋多矣得似浮屠格調老
黃金入手請鑄佛歲歲祭詩薦蔬果

涿州

燕南趙北鬱郊坰第一名州地効靈憶變籀書開漢隸細
緡酈注勘桑經溝修獨鹿流迴白塞遠盧龍草放青未用
阪泉尋往蹟蚩尤捲霧去冥冥

晏城

食宋留傳昔相齊原田何處達尼谿左驂偶贖囚爲客駟
馬曾闖御者妻願備執鞭追往躅難從業屢訪遺黎二桃

自入隆中詠千載存疑詆滑稽

郟城贈劉魯汀江幹甫時魯汀得山西令

黃塵高漲天迎面
眯車馬徘徊傾蓋亭
歎少新知者聯翩
速秋燕懷歸不待社
倏非紅紫春桑椹
獻朱夏暖氣喧百
禽友聲求諸野
悵別華陽館說劍酒徒寡
劉侯鬻歌鍾獨
擁數錢姪行將擅鳴琴
蕭散幅巾雅江郎苦口吃坐對雌
蟬啞蘭蕙未解薰
呼煑香焙鏐長虹搖大燭
醜顏忽飛炮
調笑上黨人買釵翻買豬
夷惠二子間我頗工取舍
但恐簿領勞難再
舫船把浮生魚脫釜
幻影蛇去罌一夕
郟子城安知非天假

魯連村

海岱惟青州山川負勁氣是生氣節人虎狼不敢肆何來
客將軍欲昏平原智脯鄂醞九侯請視已往事秦兵西引
卻黃屋未渠置一筭取聊城史筆偶類記功成恥受賞於
道辨利義太史公不合於道語竊謂未然生如附青雲吾將次由賜荏平
東有村式閭獨迴轡百年再由橫齊士多尙志

虞姬墓

帳前請劍首先分楚舞魂歸傍楚雲甘後君王看人魂漢
宮春杵詎堪聞

徐州

劉項歸同盡長河自北流愁雲起芒碭明月照黃樓學劍
今無用登臺亦倦遊慎防淮泗水萬頃麥田秋

午日同張蘭素舅氏及魯汀幹甫芙蓉湖觀龍舟至

慧山寺飲第二泉

九龍之山龍所淵九曲之水龍垂涎梁溪放鶴甫昂首龍
尾掉入雲蜿蜒兒郎刻舟學龍鬪真龍迴視波放溜水調
歌者龍女粧江如含顰洛神遘曲殘繞盡芙蓉湖山童喚
買宜興壺掬泉錫谷急攬石大笑渴龍思吞珠紅箋倘滅
中冷字第五何曾減驃騎河陽猪肉憶東坡別龍更品屠
門味

遊虎邱

虎氣未磨滅化爲石
扁爛噓青復唾紫
組織苔蘚斑遠風
翻麥浪浮拍煙水
寬漁篙刺其罅
星火夜兩三眺攬
足干人渲染亦一
山石田昔展卷襟
帶俱蕭閒轉自鶴
礪西坐於劍池南
別墅始司徒脩寺
沿雲巖說法理歸
空惜圯和靖庵世
緣須湔滌烹嚼小
龍團

遇蜀僧覺微往金山寺

江水西來是我聞
問師西下意何云
瑤琴猶抱峩眉月
錫杖還飛京口雲
泉酌中冷禪鉢淨
山迎北固定鐘勤
塔鈴無語風堪渡
從此元棲斷俗氛

謁嚴子陵祠

自訪齊男子知爲漢故人
雲臺無片土汐社有高鄰
挂壁餘樵笠憑欄見釣綸
微茫煙樹外歌唱恍迎神

蘭溪

莫飲澱溪水繁華怨寓公
春深絃索外人老酒杯中客意
漚無託江聲夢在空誰能哀
九姓身世付飄蓬

梨嶺謁李頻廟卽今五顯廟

朱邑桐鄉後迎尸祝建州詩人官
就此循吏傳兼收絕壑
自多雨蒼松不待秋誰知姚合壻
廟貌儼垂旒

赴荔屏兄弟飲卽以留別

笑索林檎釀小園花正開
暫消長卿渴未老賈生才
山影懸書幔灘聲落酒杯
扁舟一醉別遲汝越王臺

得雙鷓鴣贈蕙卿

景純注雅取壓火螺江丈人昨惠我年荒量斛貴於珠
安得山飛來飯顆君嘗凡鳥笑鳳皇家居況近菰米鄉
說文罷讀呼童捉野水新放雙鴛鴦

午睡未起蕙卿以蝴蝶繭至

蒲帆葉葉飛過海落到人間
成五采漆園仙吏未遽然委
蛻不知此身在夢遊何處
羅浮村拂衣香霧來叩門如蠶
作繭豈自縛元黃未判藏乾坤

訪水木清華亭呈外舅吳興侯先生

沈吟僕射西池句，蕩蕩扁舟往東渡。
斷蒲折葦漸蕭閒，出沒陂陀接煙樹。
置身宛在五言詩，秋色丹陽被分據。
吐吞遠嶼幾迴環，縹渺孤亭此枝梧。
豪強奪盡平泉莊，清芬賸有始甯墅。
螺江村落最幽曠，是昔蓬蒿翦徑處。
緬想賢侯三百年，流水不腐戶樞蠹。
青峯萬笏插天來，柔艣數枝刺雲去。
一官自溷蟣蝨臣，千里遙傳猿鶴語。
脫身無如簿領難，彭澤柴桑竟歸路。
先開眼界取山川，待浣塵衣入風露。
墓田世守有諸孫，文采自韜豹隱霧。
五府交書不到城，時攜竹杖踏芒屨。
人間百事日更新，突兀陵原尚留故壺觴。

相挈晚討涼白石清泉可指數翁如有意借數椽全家移

向鷗鄉住

陶舫感懷

來齋金石付與誰嗚呼陶舫

林鹿泉舊居後屬馮笏舫著陶舫後金石紀存人琴

非甌甄取簸幾稊米

甌甄稊米笏舫詩集名

浮送歲月輕醯雞昭陵

繭紙深誤人蕭翼曾被僧奴噴枕中之秘那復得拚與黃

土俱埋名晴窗追想涪雲筆

笏舫嘗從趙穀士乞涪雲隸書陶舫記未得後亦失之

高臺

宋屬程師孟光祿臺地

忽傾半邊日籐花香草

許甌香家有紫籐花庵香草齋

爲黃莘田書室二公皆與鹿泉酬唱

俱飄零風流滅盡名山色千金享帚歸

做廬墨淚沾濕玉蟾蜍文士結習何代無君不見孟靈休

瘡痂未落自痛癢有客嗜之如鯁魚

板橋水閣同蕙卿作

湘水簾紋映畫屏晚粧山學掃眉言夜窗莫聞芭蕉雨恐
入江湖夢裏聽

酒入愁腸化淚痕松寥別後幾銷魂才人意氣豪無用金
雁銀蟬又一尊

擬東門行

出東門暮來歸入室四顧望蕭索無光輝塵塵積書一萬
卷饑不可爲食寒不可爲衣有婦下機裂十指夜來無乳
堪哺兒長年貧病累妻子安用生我鬚眉爲雞鳴日出露

始晞城門大開紅塵飛入乘高車出駟馬彼其來者何人
斯拔劍出門去安能學買臣行歌取笑啜兒幼苦不知婦
問君何之君可棄妾此兒何依梁鴻德耀願相守富貴回
頭多是非我欲去足爲遲仰視蒼浪天悠悠增心悲

隴頭水

隴底之水解人語長把愁聲告行旅此聲自有天地來積
恨萬古萬萬古車輪爲之折馬足爲之盤轆轤不絕水不
歇征夫眼淚翻波瀾波瀾慘以冽嘯猿共嗚咽三尺劍歌
行路難七條絃怨無家別隴頭水朝復暮隴上塵來復去
無日不聞隴水悲有人偏向隴雲度悲風曠野泣數行下

征途險巇來何爲者

搗衣詞

鳴機軋軋翬翠睂年可十五二十時山川長入衾裯夢心事只許篝燈知素娥早孀黃姑寡坐月拜星淚傾瀉莞蕩風生蟋蟀牀梧桐露冷鴛鴦瓦此情側枕天不明此時搗練風滿城千條萬條亂愁緒江南江北皆秋聲秋聲回颺散青字愁緒吹絲落紅雨碁杵夜隨落葉深剪刀人對寒蟬語君情冷暖妾不知妾衣長短隨君宜繡囊剝蝕樂昌鏡黃絹縫幼婦絲織指裁量心熨貼檢點巾箱手自疊有使憑將雁足書無情盼斷刀頭月天山冰雪間早寒成

圍毳幕誰相看血
唳湘竹斑千點力
悴吳棉帛兩端作
書萬字不一反珍
重添衣與加飯舊
存破絮妾自温再
寄征袍君當返

夜渡螺江

月出螺女祠酒醒
聞盪槳星懸水氣
白山放夜色蒼扁
舟漁火暗兩岸人
語響稍定蘆竹風
悄艤湖亭榜

第一山房

青山避塵俗偃蹇
不出戶幽人如嬾
雲卧起在山塢閉
帷泉竇閒四時灑
飛雨屋廬當晝深
雞鳴日知午薜蘿
篆蟲鳥壁立石太
古寒蛩惜落葉慘
綠夜聚語居辭市
闐遠跡

合猿鶴伍寄問終南隱胡爲慕圭組

陳少香明府

借燦墨竹

遊未涉瀟湘春夢不到蒼梧雲煙消日出走秋影斑斑泣
泣英娥魂疑其葛陂神龍所變化骨節通靈偶飛下畫堂
晝挾風雨來此時已秋不知夏整散疏密皆離奇乃是槎
枒肝肺之所爲東坡無人與可死工似工意誰知之君家
未住篔簹谷胸有千竿萬竿綠官罷身如退院僧玉版參
禪食無肉前身傲吏非畫師畫清到骨如其詩平生節操
屈冰鐵怒氣發洩干虹霓吾聞衡湘九轉山九疑晚涼一
棹滄浪辭中有湘夫人廟靈均祠爾豈感於山鬼湘纍之

涕淚以竹寫怨鳴其悲頭銜自署鷗波隱

有鷗波魚隱小印

左右

分明漁舍近曉燃暮汲不逢人山水瀟瀟綠無盡我昨筮
卦得蒼筤君來携置風篁傍長琴不揮落月靜夜聽四壁
彈宮商

水口驛

棄繻未擬還笑出竹崎關海遠吞殘日溪迴束眾山疏疑
鄉樹斷孤縱嶺雲閒從此王孫草天涯綠不刪

將抵延平夜泊

野宿混禽鳥昏灘亂石顛星光青破霧月影白歸天深夜
難爲辨孤城何處懸勿耽袁虎詠躍水攪龍眠

高蓋山以阻僻未遊舟子喜述之答以詩

茲山避要津幽僻甘退屏同體根智仁高賢類介耿俗駕
苦羈絆神馭勞縱騁石門青插天杉檜閉晝景清猿答風
嘯靈龜茹露啜天樂泉筑奏聖棋田野整自非躋頂顛難
得豁目眇舵師欲余導縷指所歷境塵氛未蕩滌地秘詎
盡領

過黯澹灘

無諸阻山谿秦漢斷偵訶八百里惡灘方圓陣皆整神怪
互出沒風雲倏俄頃黯澹最桀魁里豪勢敢逞鐵篙撐紙
船疑其用力猛郭解自喜亡寶嬰多易併獮猙虎豹牙輪

困龍蛇癭齧馬奔駒舐舌象吞龜或喚壯士矛竝角勇
士鼎大聲鬪霹靂細竅穿溟滓高鏡阿彌陀命向古佛請
忽噤萬籟瘖恐病十年瘡無厚入有閒落欵未及警注目
側秋鷹捷脫送旁挺乘溜曳殘痕轉石去峭影始知秉天
巧道在柔制勁後願憾旋渦前挽快修綆搯吭是何關骨

削栖皇嶺

卽西陽嶺別名

度揖仙橋

看出扶桑日曾傾東海瓢午鐘響僧寺卯酒醒仙橋竹筧
通泉去松花滿店飄洞天應識我雲外數峰招

楓嶺阻雪

驟失千盤磴凌寒試眺瞻海雲青盡斷關樹綠無尖樵返
不知徑酒香何處帘僕夫聞告語明日客程淹

黃鵠山人詩初鈔卷四

閩縣 林壽圖

古今體詩五十四首

龍游猊頭潭雙木蛟歌乙巳

太末所屬今龍游巨潭張口昂猊頭春流未漲清鑿底蹴
踏宛見雙蛟洄一淵兩雄不並窟顧獨馴擾成靈湫骨節
未朽肉未腐逼視斲自般倖陽藏於陰水養木母氣具
足剛者柔干將寶劍置無用任爾來夾伙飛舟相傳古有
厭勝法神道強欲參人謀安知隨刊湖禹蹟谿壑昔者非
林邱千年大樹不能語尙能救旱致霖雨犀牛愧乏經濟

材柱費石工鎮水府我挾天人三策貢咸京春秋繁露著
未成蛟乎曷弗變化入夢開神明

七里瀨擬謝康樂次韻

向余散痼疾未嘗廢遐眺扁臚縱孤孛雙峽束羣峭夕霏
謂宿露落景疑初曜崇臺披繽紛虛谷落吟嘯深探仁智
蘊逸出隱淪妙隨化滅逆順覽物齊忻諠既及桐君廬須
垂巖子釣勿爲阮嗣宗追憶廣陵調

桐溪用康樂初往新安桐廬口韻

落帆曉未懸風逆候湖至鷗貼戀煙眠雁舉動霞思使非
征棹淹焉盡沿溪意古來巖棲者匪爲留名計采藥與歸

耕年代去何駛赤瀨綴白沙水木爭古媚長持無競心翔
泳隨所熹

富春渚次康樂韻

衢歛水合流繞自桐廬郭三折潮上迎四際山外薄放榔
聲漸大叢木勢互錯潛藏梵釋宮富有松桂壑漁樵分蹊
徑禽鳥各棲託悵同藪澤游傷獨根蒂弱許生未就辟尙
子詎負諾風色辨帆檣沙痕認墟落此邦眞吾鄉恥終蒙
溫蠖

旦發漁浦潭用邱從事韻

飛雨灑蓬萊輕舫入煙颺赤城無回波定山有複障心非

青告山人言永金卷四
一
鴉鵲食目似鷓鴣望渾涵島嶼影秘密鱗鬣狀樹昏宿寒
雲沙沒留春漲隔浦色未分孤村勢莫傍萬象被收攬方
寸理開曠信知狎鷗人領異視標尙

登吳山

錢王索州還中興如都汴殘山送趙宋導者吳越先夫差
弩末耳怒濤不受箭浮尸上孱顏屬鏤碧猶濺胥井乘典
寶荒祠崇禩薦精光搖水星江海俯吞讎如何三日潮未
過皋亭戰黃龍往悔追白雁來恨徧嗟哉士女豐恐是沙
蟲變鳳凰猶迴翔不覩故宮殿

發京口憶練湖用謝宣城晚登三山韻

席指瓜州城甕藏雲陽縣菱芡開家湖來時曾眼見鼉駕
秦皇橋馬閃吳門練集羽鏡霜薄翔翬插江甸阻今鬱盤
紆迨昔供遊宴海思空凌雲塵征方冒霰能無人事紛陳
迹亦屢變

雨登北固山

海氣昏沈浸楚吳岡巒縹緲客心孤江山自昔追文藻煙
雨何人入畫圖曠代風流終北宋名州形勝控南徐慳晴
未展憑欄目兩點金焦望有無

召伯湖舟中和韻

揮扇自渡江清言晉賢倍疊疊來逼人同遊各瀟灑趁弄

櫓聲柔忘礙風力愈入湖放駘宕飛景翔靈采枯柳盡含
黃凍雷齊破蕾知接步邱堤如聞洛詠在當年想勝此樽
俎載礫鬼光輝一顧盼聲曜百寮案淮淝戰事往子弟紛
蘭芷墩難坳相爭埭未遺愛改試問桓譙郡何似王東海
擊舟追生存廣陵不辭每

淮陰市徐雲汀一鶚邀同作

將壇未登過市閱佩劍帶刀忍饑凍不能自食豈丈夫哀
我甚於辱我痛真龍將起大澤閉城下收卻釣魚竿滕公
免死蕭公薦封王歸與市人看餓骨不填淮陰土漂母賢
過嫂夏釜詎知委命亦婦人鍾室礎聲動几俎英雄失勢

嗟奈何沛宮淚灑大風歌回首布衣報恩怨千金恨少百錢多

馬逸車脫憩羊流店

汶水半瑛環徠峯側巾幘流清渴奔駒石仄危傾軸三公
至折臂人爵疑天戮政荷造物慈幸獲完軀福金環無留
蹤角巾有初服緬古賢達懷早懼顛覆辱勝算握平吳應
名表監蜀資張起推枰舉杜成破竹功誠南夏高築未東
歸卜故里如峴山逝感人代速道旁遇老父庸骨不煩目
前行陷穽多畏甚輿脫輻

易水行次同年曾鏡如照韻

黃金駿馬臺在否築館但知醉屠狗出門欲借將軍頭當
筵先獻美人手謀成責諾行何遲曷卽自薦高漸離生王
乃欲死士致子丹不慧荆卿癡殿上環柱殿下視秦法佩
刀當棄市如何見抵無且囊惜未遽淬夫人七赤虹貫日
日有苾白衣照水水無光歌聲早聞變酸楚劍術何勞論
短長項王漢祖皆欲襲從此暴秦殺劫急擲筑飛椎朝野
驚斷蛇死龍鬼神入首端發自機橋機燕亡秦亦能幾時
竟須西笑咸陽火莫再東憐督亢陂

感懷

鳳凰不世出百鳥矜文章各操風土音自謂合宮商徘徊

望阿閣欲往鳴朝陽其上有神物留以待歸昌客來自海
山所見多飛翔祝鳩好剽竊喜新變故常掉舌能幾時夏
氣今將張燕雀安卑棲鴻鵠志遠颺飲啄順天機何處無
稻粱

泛潞河

昔踏丁沽冰陸行張家灣皇店祖故智書囊笑破慳櫻桃
新著豆放艇追白鷗餘錢取貰酒川色何蕭閒檣燕傍我
飛似識舊塵顏漕艘未北駛賈舶已南還蒼煙蘄門樹落
日幽州山鄉愁積春草慙亂焉可刪

萬柳堂次游丈幔堂

大琛韻

樹猶如此奈人何
載酒廉園勸聽歌
縱使名花能獻媚
未堪驟雨打新荷

山公攜過習家池
賓主風流憶昔時
竹瘦松枯秋又滿
木蘭花慢再題詞

芍藥次韻

雨絲風片耐餘寒
婪尾枝枝帶醉看
支得南朝金粉局
江山歌舞奈將殘

南郭人歸插帽斜
料應曾過橐駝家
陳髯老去饒輕薄
持比東吳賣菜花

白雲觀

萬里不持青海節九霄合注丹臺列崆峒曾忝軒轅師鼎
湖妙得昇天訣純陽自醒邯鄲夢浮送名場醯雞甕偶然
南北分宗風神仙遂取帝王重五國城將殺劫開飄然汎
海辭蓬萊金精躍躍按出虎望氣如有沙蟲哀片言扼要
比鄒國西遊豈餌金貂來漢文解識道德意河上經傳匪
文字後皇多欲復開邊不死靈藥未可致文成五利博高
官歲星在傍但游戲長春宮觀馨香升十八士後多全眞
素衣化緇歎我久與爾同浣京洛塵華表鶴飛不回首元
武英雄今在否角根道妙無與傳年年燕人作燕九

夏符

乘時與物競賢者恥弗居澹泊讓春風養氣獨有餘其簔
登韓奕厥筮疑禹書月令未及紀方物良各殊雷雨發屯
蒙萬彙爭坼舒此如貞蹇士沈機待世需我家蕉陰下擢
秀麥隴腴冬春靡不佳菘韭煩先驅十錢易一束穀鯁牛
角如惜之欲成林嘉蔭思徐徐北食慕南鮮非候輒先鋤
譬諸戍人材曷以供珍儲萌芽取胎息醞釀葆始初抱節
難久屈焉用懷鬱紆

圓通觀遇鄭錫侯編修

元璧

寫金剛經

舍婆提國佛說經法筵大開千眾聽皈依不外了寂滅悟
者手捫跪涕零羅什譯後流支繼洛陽伽藍再今世諸經

品中推大乘，扶摘章句尋文義。尼山坐忘欲無言，儒教元
有不二門。玉堂清齋天上客，風翻貝葉如祇園。耿耿宮觀
周柱史，猶龍偶現逢關喜。五千道德云如何，文獻能徵容
竊比寄廡，譬作由東鄰。不役塵事談勝因，倘遇平子定絕
倒。惠施多方，今其人頗聞太平真君出，曾解禪縛奉道術。
吮毫往追崔侍中，燈熄燈燃去電疾。

暑日出遊贈同年廖東序

鏞

竝簡鄭九丹編修

襲詔

美竝陳平豈貧賤，三年落拓長安見。筆鋒自倚摧千軍，禿
盡霜毫北再戰。黃鶯有情解歎息，看柳綠絲及成線。既不
翠蓋跨金鞍，調笑酒胡肆。流眄便合滌器佐，當壚傾動臨

君嘗謂狷非狂東山未必耽絲竹北斗惟應挹酒漿海嶠
年來蹊徑雜留昌詩教闢榛荒

秋夜詞

促織夜催鄰杵急輕幔西垂月光入弄月猶披單袂衣不
知白露前階溼隔千里兮人未眠河漢不渡眾星懸籠紗
燃燭漏方永紅韉玉帶誰朝天

燕邱次雲汀韻

平楚突高邱黃金堆作臺膏秣欲登陟躑躅嗟駑駘神駿
在君廐轡頭請先開高下隨長煙一碧橫九垓雲日冒餘
采昔賢安在哉操圭量滄海棄屣委蒿萊雄心晚弗繼霸

業中崩殞再築華陽館坐使英豪哀燕關自北擁秦騎逼
東來古淚誰不灑置身貴崔魏隆中比昌國識量有餘恢
過市戒使酒恐類屠沽才

景山曉過

漏聲轉西華引與榮曜邁扶桑出輪蓋雲霞赴輻輳翔靈
集海樹噴雪戲神溜鼈竦接仙橋麟鳳隔文囿苑山附鬱
蟠原榭荒締構列栝亦秋森重葩未春透豈翳臺爵傾苑
曾銅駝蹂化烏留舊巢射鵠諧新奏弓劍稽昔聞陵尸慶
今守依護我 皇圖佳氣天齊壽

九日登黑窰廠

窪尊歲踐越王山放曠難逢吏事閒
渤碣飛揚雲擁蓋滹沱平遠水彎環
前賢俯仰俱何往盛會東南獨未還
叢菊倘繁他日念京華踪跡似鄉關

工曹偶述三首

六籍遭秦火制作嗟蕩如咸陽更一炬
殿闕非舊墟和會相土中損益追皇初
五德遞相嬗文質宣扶輿周鼎在燕
京遼瀋爲陪都冕旒坐建章劍珮丹墀趨
陳力就其列贊拜何雍掄周禮補冬官
唐典襲漢儒謀謨有坐起道器無精粗
明堂要梁棟豈棄杙與樞奉職主營膳
劣能將作俱先聖如可述汲冢豈全書

命工載垂咨作虞聞益讓統之以司空古制尊時望大利
籠山澤羣材總卿相吐茵去疎狂扶牀就句當建禮門曉
開日華燦金榜履聲 三殿趨袍影兩階向諾諾爾爾閒
條理已曉暢瞻 顏述 天語承顏免官謗南陽足任事
東海幾問狀簿領百不嫻志復逸元尙文景慶生遭擁衛
識儀仗

青綾夜覺寒不若布衾暖晷影移花磚向陽始梳盥錦遲
孝綽製幘許王儉散游騁竹素園麪食期就晏吏白尙書
期釋去巾帶嬾鈴音不諧圓馬蹄亦蹇緩案牘強取披目
力何昏亂解牛匪庖丁批導詎中窾束之欲迴車笑於朱

墨短寒帷接西山青未蘆溝斷如建太華旒待涉灞與漣
長安盡宦遊雲關孰造款

會讌南郊遇雨

飄風碣石來海氣彌城闕雨足森四溟羲轡咸池歇芝旃
結郊坰蘭扈擇林樾期展一日謹盡送九秋熱輪囷車蓋
雲排闥恣馳突落英委條多別葉辭柯猝漂流席屢遷輟
詠杯違罰獵獵遞迴颺駸駸策歸轍俯仰人事違顯晦天
容別良會知有終悵望軌途滅

贈家章圃吏部丈

士俊

桃李爭春榮松柏歲寒保爛熳眾目前耐得幾時好物候

盛衰過眼看天運豈用人力干枯槔升降巧播弄抱甕漢
陰視等閒六十爲郎陸繼曉尙書門下苦相擾選事強欲
令史參拂衣易於樊籠鳥艾封同牀生兩心翻雲覆雨昨
與今黃鶴自矜好爪觜弋者繒繳藏深林憶我初就傅姓
氏略知數伯父貽書示子姪曹司盛德生遙慕疑非晚近
人難與竝世遇不然江海把一麾早有薦書動 丹注宰
木十年拱青山索米君尙金馬閒都門握手折叢行山陽
涕淚衣裳潛看君沈寥用意處竹林風追千載還胸中梨
棗棄弗種道路何處多榛菅吾聞旧寶堂上客收者到門
未終席攀附青雲果何益 天子待問老馮唐羔裘委

蛇慎退食

海上燕賦將歸也同年汀州華少京

定和

漳州謝吉

六 謙亨

臺灣施淑六

瓊芳

各以歸期告余亦返福州

有日矣

海上燕同居海上各異縣紫陌春風次第見珠簾繡戶朝
暮飛門巷相傍通烏衣秋社將臨燕私語遲暮關河恐風
雨海山蒼蒼海水深迴望營巢辛苦處主恩更比滄海寬
欲近蓬萊慙弱羽不忍別暫徘徊斜日西照聚燕臺見
景物 明年再綠瀛洲草燕燕攜雛還北來帝京

汪玉田

潤

武宜軒

興緒

畢春亭

至

集同人設餞陶然

亭

攜手林皋白日俄雁行疎處見關河一樽高望平城堞萬里秋心赴澗阿水放蒼葭霜氣滿樹辭黃葉雨聲多得承佩鞞嘗官醞歸話琳腴耀薜蘿

十月二十一日

聖壽禮畢得假歸省紀 恩述

懷

皇風扇仁壽寰宇沾光輝萬彙皆覆冒小草亦懷私旦從呼嵩祝暮告遵海歸題橋長卿似挾綬買臣非天門信誅蕩周道常郁夷咸京控終華雒邑盤瀍伊中有太平雀棲上萬年枝早達詎不戀少賤竊有希烏哺述苦節鸞迴獲

聖慈

恩詔條載京官加一級封贈

旣忻

國恩被復協家慶期

明歲

正月朔日母
五十生辰

金波隱鵝鵲錦藻散鳧鷖獨驅齊魯郊夢越

梁宋畿蒼蒼楚岫見鬱鬱吳雲飛大江東南流歸心日夜
馳扶光迫蒙汜積陰蔽交歧自虛門閭望再犯雪霰罪反
路數所歷整駕恐已稽迴瞻 雙闕迥兩念如懸旗

良鄉道中

帝里經年別滹沱風尙寒雲陽本京邑灞涘近長安鸚鵡
輕辭隴鮎魚強上竿車箱搖午夢極北是邯鄲

雲龍山

蜿蜒行衙踏雲閭闔上真人芒屨往佳氣丹徒王伐荻

憶新洲宛見斬蛇狀九日祖筵非六飛駐蹕儻彭城中天
下四面形勢壯金陵掌北門玉環缺西障七葉偶代興九
鼎何固讓晉璽枉送迎宋臺斷酬唱隱豹謝塵窺放鶴縱
冥向日昃黃茅岡余獨企高尙

邳州黃山

大風起泗上白雲散煙絮山行人不逢日落宿何處世無
太公書疑殉留侯去問石未能言寒鴉暝高樹

舟過山陽憶亭甫訪潘四農於此

日駕薄虞淵寒冰踏淒然昔人身所歷與我目爲緣長川
帶古木孤城橫暮煙華燈滅熠燿銀甲委蝸蟬往者潘張

友前追稽呂賢扁舟嘗過剡草廬共談元酒輒留髻醉賦
曾弔屈傳四愁坐病瘡二毛倏盈顛腐葉不再振敗蕤豈
重妍宋玉宅未改吳札劍亦懸已矣百年內壽無金石堅
我有清商曲可以奏朱絃獨彈無與聽去棹臨淮船

揚州送秋暎

蘭陵一壺酒邗溝五更月月墮獨客舟酒醒何處雪白頭
蹴浪銀山摧津亭打鼓催帆開隔江煙棹欲相及銅鉦挂
上吳公臺徘徊瓜州戍迤邐丹徒郭君來望潮生君去望
潮落金焦束得江聲縱勸勿拍浮作豪弄君如迴憶琵琶
絃昔有武功曾不用

望焦山

崩川不可遏滄澗向歸路截斷萬重雲
岌嶮海門據岷峨遠莫窮但覩入江處
龍影奮雷淵龍柱射雨霆沉思避詔
洞深隱懸崖樹孤接若士肩側垂列子
跣驚麝竄石亂老鶻摩空鷺匪伊離垢
氛孰能絕恐怖窮薄輕江潭蒞庵約
一赴松寥不駕橋浪濶何由渡

釣臺阻風

北風吹浪向南來自愛魚肥酒瓮開
七尺釣竿三尺艇朝朝願繫子陵臺

將至福州寄親友

浮雲無定蹤萬里能合并蘿葛相糾結性不分枯榮蘭蕙
昔同植別久生榛荆慨之以清泉臭味冀再馨且發夢筆
驛暮宿躍劍津風塵未洗滌霜露已灑零重上君子堂玉
壺爲我斟

大箬舟次同年黃觀庭

光周

夜別

李郭神仙後同舟我與君遠攜燕市月照別箬溪雲冬漏
天難曉寒流夜獨聞去城纔一水容易慰離羣

約遊鼓山簡諸子

丙午

威武軍前置旗鼓勢偃旗使右俯人言秋晴日出巖前
顛數點琉球接眉嫵連峯蔽虧聳東南常壑蛟龍蓄雲雨

瓊宮金闕天半藏未窳深處目無覩天風吹送浩蕩行外
有海影中江聲西爲清溪淺瀨隱林木北與遠村近郭向
背如送迎羅星塔孤鎖寒凍似防山力跳澗縱豈知佛界
本莊嚴雖處塵寰自尊重徘徊無諸國慨想忠懿王霸圖
滅今昔象教談興亡開門節度更開山山在咫尺帆檣閒
舊遊追入松蘿徑趙宋風流題壁賸諸君信能鼓勇無若
論腰腳吾猶勝

喝水崖

眞實踏佛門虛空搗禪窟捫壁開筵衍羣峭競秀拔龍涎
所饒瀾蘚磴千年滑餘沫噴人閒猶能萬姓活聞有臨濟

徒嘗爲普覺，喝造聖到無言。警頑遽用黠，茫昧龕影荒。縱
橫石理軋，新跬接故岑。後遊龔前碣，仰睇孤亭杪。水勢魚
鱗鬣，文字吾并忘。起攬納溟渤。

劣崩峯

蛇行循單椒，鶻突起木末。陰盤地軸轉，陽負天門豁。側開
萬峰影，橫拖一練抹。中有紫陽書，溟漲筆力濶。雙江勺水
浮羣山，拳石掇東瞻。入海氣倏忽，倭島達鏗鎔。何由宣眾
響，齊鑿欬儻。此控百蠻蛟，蜃可蹙。拶月輪未東，扶日馭竟
西秣。歸繪蓬瀛圖，九州在堂闔。

白雲堂

山古入鴻濛堂虛納竅竅日景側俄中雲氣續未斷一線
掣金龜軒橋流汞滿始知剖太陰裏有赤烏卵此時石鼓
尖孤標插旄罕沈霞杳焉徂鋪海望何坦我欲踏之行僧
意眠殊嬾薄暈生眼膜餘津濯肺腕游絲鳥曳飛落絮魚
唼散下方隔幾重送去鐘聲緩

蘇武河梁圖

漠北天荒遠河梁日背馳生人作死別千載有餘悲漢豈
無人虜敢入士氣不伸焉制敵上書諫者置腐刑仗節歸
纔典屬國黠哉左賢拜衛律生綃捲到胡沙急上馬鳴笳
淚盡溼詩如有聲畫無色公卿坐論非邊才唐宋沿之曰

中策

敘意

稽古不得力附驥忝朝紳跼蹐返鄉里一區傍墳塋旣非
洛陽賈招致漢公卿亦未壠畔耕能待楚使迎釋裝而月
矣繞屋歌商聲親友昨速我雞酒話平生東家有第宅繡
棋連珠夢西家有田園金鑿佐玉杭竝訪南北里佳麗列
下陳匪伊祖父貽富貴自經營紫駝宜北食銀鱸宜南烹
秦紉與越綺刀尺宜裁成鄭婢與蕭奴巾拂宜趨承仕籍
尙科第看子進滿簾閭井之所叨粟帛分餘贏滿堂皆動
色長虹燭吐檠摯語出謹腸款款盡飛觥少小昧遠圖感

奮始伶仃頗疑樂志論懷抱何鬱榮先人無產業教養恃
慈親初七戒嬉戲把筆學字形十歲授遺書十三通六經
十五治帖括庠序薄有名弱冠領鄉薦再試觀國賓教忠
資事君教廉資養身身中疏布衣鍼綫母手紉盤中粗糲
食爨甌母手爇室中糟糠婦翁媪掌中珍釧釵母手聘教
以大家型井曰至夕操盥漱雞鳴興母嘗指數椽語婦守
荊荆灑掃務精潔不在高閑閤母畏苦身勞毋忘賤與貧
科目襲唐宋漢爵拜富民寸管握毛錐無神籌邊兵自賦
帝京篇人才覩積薪七尺博一囊叨竊亦已盈厚顏說施
子鄙嗇類俗情媿領君子意避席再逡巡還入蓬蒿徑舉

脰絕冠纓

春遊

江城春絢爛蝴蝶衣裳飛綺羅紈袴閒顧盼盛容儀藉非
金谷集定有玉津期芬香吐蘭蕙聞者行忘疲冲襟寡所
愜健步欲安移鮮雲被華丹祥風蕩淪漪道逢山葛侶邀
過習家池桃杏豈不妍松竹亦多姿乳巖弱承蔭孕鱗曝
乘時捲幔當南山秀采發新滋延之到席前笑粲揚蛾眉
爲歡不早迨夏茂將秋萎

送梅生先生還山陰

太傅三東山經始會稽南巾舄晚不返巖壑誰重探督郵

到彭澤功曹辭羅合舊家鏡湖里疊嶂浸寒潭雨歸就煙
權雲卧隱晴嵐題石破蒼蘚結社交瞿曇語我嘉遁處聖
跡人未諳越棲擁屏榻秦望插圭筭古穴葬神禹星斗嘗
朝參十年太姥側官舍成仙龕爲政昔尙廉攬勝今何貪
亦如構珍材深窠及梗枏嗟我在窮涸教澤所濡涵別筵
不盡謹說士有餘甘願守黔牟貴庶釋稚圭慙

乞酒

王周釣於水客漢耕在山士苟能食力進退自寬閒我早
昧擇術高坐樂孔顏手持五石瓠走徧闐闐閉市人棄弗
顧歸來還閉關籠突冷炊煙漱齒泉潺潺故人馳傳過言

返蓬萊班王貢再今世彈冠指與談昂頭憤仰屋折腰懼
弗堪且乞一壺酒解我饑腸饑

此日足可惜餞懷璞先生贈翁蕙卿李方溪沈桐士

謝纓亭

慶雲

劉本傳

齊巖

陳藻山

文光

此日足可惜謹會須與祖君誠惜須與千載可與俱人情
忘素位窮達叢憂愉君子慎終食離合保終初夫子將渡
黃攬轡大梁墟梁有孝王園樽俎集簪裾枚馬詞賦才大
道鄒魯趨濂洛接正統振興在閩儒滄海水所滙百川委
貫輸文學特派況僅獵其膚譬彼舍溝壑引置瀆與湖
分支再導源禹跡知未誣出門瞻四方合轍求循塗縱復

異鄉縣終須返其閭比擬非臆撰夫子誘吾徒同時三十
輩博約言人殊暇與印師說牖戶各有樞今者七人存省
記書紳無余齒最穉弱回退參也呼先聖述禮樂朝野皆
要需用世自淑身教之先詩書要旨觀其通戒勿守拘迂
毛鄭有傳箋匪惟注蟲魚賈孔有訓詁藉以歌唐虞性情
養根苗政事發華村他經未及授東瀛告乘桴四座盡涕
淚鼠思血獨濡鳳山縮縣綬淡水分郡符絃歌洽番社窺
竊來島胡桐城廉訪公指臂用心孚輕舸制巨艦奏捷擒
孫盧小試儒者效世不輕程朱聞之若漢馬奮欲踏穹廬
爾時喜君等或已偕計車不知所挾策何似董江都相送

拜於郊翹首天一隅師友隔山海望月圓蟾蜍稍稍返邑
里或又奔饑軀甚或困諸生指笑無賢愚有酒無共酌鬱
抱焉得攄馳書白夫子踪跡十年疏壯者不如少老者壯
何如單緒絕游楊浮豔涉曹徐新知寡弋獲舊學墮榛蕪
報書勗崇德末技屏區區子第尊所聞勿恐吾道孤吾道
嗟誠孤見猶域門除一官走都下風尚益卑污畫諾了官
事枵腹談王謨始知漢與宋門戶罕問途踟躕請南還曠
歲復索居去日不可留來日焉可圖文章成斐然狂簡喟
歸歎未歸怨猿鶴將歸切于喁秋風夷門道芳草正敷鋪
落日嵩陽山列樹何盤紆久聞陶公男力能任舁輿況挈

於陵婦老可勝紡，纏解組世所樂。且願少踟蹰，堂中侍几
席。門外拴驪駒，求益類賣茶。落實恥懸瓠，撞鐘響應廷。合
匏聲和竽，爲歡祇俄頃。讚歎非世娛，何以駐迴車。顏巷臨
通衢，何以待醉眠。孔席安中幘，昔別對紅頰。今別撚白鬚，
人生鳥過目。爪印亦踏虛，海水浩漫漫。河水曲復舒，夫子
舍我去。其樂在桑榆，努力與諸君。荒田及時鋤。